

TUAÑRA ZARA

# GÚM ZAI NOFARÓ



# Tuañra zara gúm zai nofaró

**Bóut refuji okkóllottú kessú thaimot gúm záiti mockil óo. Kessú manúic fotti rait gúm zai nofaré, ar kessú atíkká utíkká gúm zai nofaré. Gúm zai nofarónnózzoria mockil cúru óo, bar bár gúm bañgi zai ar soóré gúmortú tan pai zai ar noóile bar bár dor lagede kúab deké.**

Gúmzar mockil ókkól tuñi asódé háalot loi, tuñi ki báfo ar ki ki óiye hinlói taaluk asé. Age becí dhoõñr duk faiyéde híin raitor bad rait kúafot dekíbo. Gúm zai nofaillé aró oinno oinno mockiló óibó nizer zindigit, ar hóraf gúmor zoria becí manúicóttú dinotoó bóut mockil óo. Becí din zodi gúm zaiti mockil óilé daktor loi taaluk goró. Daktore tadarotgoribó tuñi gúm kiállá zai nofarór ar tuañr zindigirloi ki taluk asé.

E habossánot tuñrá gúm zaibollá nize kiki gorí faribá ze honó haalotot zehón gúm horáb óo, hinóllá balá balá mocwara asé.



# Bálá gori gúm zaibar mocwara

## Gúmor thaim thík rakhon zoruri

Beci manúic ek zagattú ar ek zagat ailé gúmzar thaim bec khom ói thaké. Zará keémot tháké tará raitta becí thaim seton tháké. Becí asánissaté ítaratto héndilla óibó. Tuañrtú dinot kessú gorár notakílé, dinot gúm zaité asán óibó, toóilé házinná ar raitta seton taibá. Toóilé ze thaimot tuñi raitta gúm zai faitta hé thaim híba bodolaibóllá kucic goró. Hiíyan óiyedé tuñi sóoré uçí zaiyógóí zodi kessú zoruri gorár no thailéoó – ar tuñi niyomor thaimot neçi zaió. Tuañr gaattú noya thaimloi kuaic úwa foribó. Lékin tuñar gúm bálá oibóllá kessú thaim laibó

## Fotti hazinná tuñi neçibár age enddoilla gorío

Manúicór gaa lagatar aadot fosónd goré. Asté asté eddoilla thiam ar aadot gúm zaibollá asán gorí díbó.

## Dinot nizer gaaré salu rakió

Jisímór lorasora bálágori gúm zaibolla becí gom. Dinort 15 minith threinín goillé gaa hórán óilé gúm zaití asán óo. Mesál hísafe tuñi gúm zonor aage ekkánaggorí añçibá, lékín threinín/gaar lorasorar gorár adhá góndha baade neçío. Toóilé gaar cántí oibóllá kessú thaim faibó. Beça beçi hambistór ówuáoó gúm zaibar ekkán gom zoria.



## **30 minitor bítóré gúm zai nofaillé uçi zaiyogói**

Bolazuri gúm zaibóllá kucíc no goizzó. Tuñi zetó bolazuri gorí bá héto gúmmót foittí mockil óibó. 30 minitor bítóré gúm zai nofaillé uçi zaiyogói. Ar uggúa oinno rumot zai bocí takó noóilé asté asté kessú lorasora goró zetún tuañtu gúm nuaiyé. Abá ró zodi 30 minitor bítóré gúm zai nofaillé abá ró uçi zaiyogói. Hendilla zetobar gúm zai nofaró etóbár goró zetokkun tuñi gúm zai nófaro.

## **Tuñi nizollá ekkán cantizzaga soó**

Suk bon gorí sinta goróde iyán tuñi posond goródé zaga, zian cantí ar thándhah zaga. Iyán tuañr coóror bítóré, fémlír gór naoóilé ekkán cúndór doíjjar hañsa. Zeçé óibó ók tuñi nizoré nize buzí faror, cantír awas fúnor, fúlór kúcbó fuñór, roidor gorom ar e zagar oinno oinno jiníc ókkól buzí faror. Aram gorí hínór moza lo – ar gúm zaibar kucíc goró. Zehon tuñi cántir ar asor gorédé zagaa faiba, toóilé tuañalla zetó becí gúm zaibolla kucíc gorí bá etó becí gúm zaiti asán óibó.



## Koffin no háyó

Koffín gaaré ucántí goré ar seton rakhé. Koffín tákéde koffít, hala saát (harbal saát noó), cokélétót ar kuka kulat. Gúm zai nofaillé házinná ar raitta koffín no hón saa.

## Hóraf kúab

Hóraf kúab hámicá añarattu kiki óiye ar añarar zindigit kiki perecani faiyí hinloói becí taluk raké. Becí manúic ziné hóraf kúab deké tará zodi oinno ekzon zaré tará biccác gorífaré tarloi e hóraf kúabor baabote hotáhóilé, asté asté hóraf kúab deká hom hóizáibó.

Hóraf kúabor baabote abar noiya sinta goille ar gom sinta ar buzár kucíc goilleó hóraf kúabor asor homi zaibogói. Tuñi hóraf kúabóre gom hísábé lekíyó faríbá.



## Zodi kessús zoria modot noóilé

Uore hoiyéde hiin beggin kucíc gorár badeó zodi gúmzar muckil hoóilé daktor loi hotáho. Tuaré gúmór mahéri daktor hécé difeçáibó cúndógóri saibollá. Refuji ókkóllá ferecanir hotá. Tarár gúmór mockil tarár zindigit óiyedé hiinloi uzuzu taluk asé. Zehón tarár zindigir hálót bodoli zaibogoi, tarár gúmór halótó gom óizaibó.

## Fuindóttuó gúmór mockil oó

Fuindór gúmór mockil fuindór furafuri zindigir háalotor loi taluk asé. Fuainó boro ókkólor doillá sótmá ar sab foille gúm zai nofaré. Fémlit ar maa bafor mazé hónó problema tákileó fuindór gúmót hóraf asór fóré.

Zodi fuindór gúm zaití mockil óo, toóilé fuainloi hotá hoó. Fuindóttú fusárloó hítára ki sinta gorér ar ki kúab deké. Fuindóré sántí ar modot goró. Fuindóllá maafúz ar niyomor hánát thaim tík rakíó. Kessá ekkán forí fúnáyó ar gana gai fúnáyó.

Zodi fuaindé becí din gúmzai nofaillé sehétor ofís noóilé femli daktorloi taaluk goró.

Toyari goróiyá  
Zulúm, Sótma óla sab ar húdkúçittu basar baabte  
Wasael or Senthar  
Mazór Elaka, 2023

Telifún: 72 82 20 05  
Taaluk: rvts@stolav.no



[www.rvts.no](http://www.rvts.no)